



**Louise is
Baleine tota**

**Tana rupa ke
*Stuvatum ke Crakeik tota***

(c) Damien Etcheverry

Xantof krent kan Kotava. Ewaveem daskiyin
gan yonec TG- talpey.

Xanto : *Stuvatum ke Crakeik tota* ;
Louise is *Baleine* tota (10-e otuk, 2026).

Krentara is ponara is piskura skuyuna
gan Damien Etcheverry (2026).



1-e ~ **Kristnazbalaviel**

Krisnazbalaviel ke 1720

Darekeon. Ba Kristnazbalaviel ke 1720, moe Crakeik koo Florida narilt totav, trumon taruteson va talteon Cuba is La Habana. Skuyuson va meka koilkara, va New Providence is inaf rotapsan englaf bowesik kerujon al mallapiv aze van mexikafa krimta ke Yucatán gola lapiv. Roneon, va abrotcaf bixef Cayos Tortugas ewaleem kenolapiv.





2-e ~ Wivga

Francaf vajbovrek

*Awalt futen dūr ise va zida
drumstir viele va brucka ke kab-
dueon tota kozwiv. Suka dunsur
neken va ina kalion vebiduv. Ina
al nuvukir, ekastayana. Lopokon,
sonkev da drumo sliikon ewalama
al totar nume va xatoy al blonjar.
To vajbovrek pluus va francaf nilt
ise nutir volseitaf. To klokana
wivga, merotisa va intafa rojura.*





3-e ~ Arte jinaf bulitum

Ina vol rotaskitir

*Va ina mielon al kaiklapiv aze
al ekastav, ludevekon ic aluboye
made. Ba gazda va Crakeik bide
inafa otsa al kotirká, arte tanoyu
ladayeacku. Cínafi tevoyi talt-
vakrilefi buli va ina dye eckindad.
Voxen ina me di rodevidgur,
merotison va beta lizira. Va likay
do tevoy detces detik rundanyá,
ticapteson va batakap nilt sugdala-
ckas va parlara.*





4-e ~ **Baleine** tota

To wupef gemelt

Va vajbovrek ticlaní. Inaf yolt Baleine (Megol), francafa kaza tota mallapiyisa va Paimbœuf poka Nantes, dem René de Kerbellec redakik ton listaf batakaf tan tazukot is dígea. Va in francavor boolé :

— Tiv tcordik, win keve viltaro ke jinaf bulitum tigic. Tic falaf kire me tic englik. Voxen tod beta plabura, pune va win ko kusto divtunsé !





5-e ~ Baliafa xeyera

Lan vaj koilkatan

Kerbellec pebur da kallapixo tir Fort-Maurepas koe Louisiana. Tota kev xatoy bonon xeyeyer, nume va kraytarapa divnitinon re ker. Inaj vaj ? Dem abiccoba rodulapasa va tcordik...

— Pu jin nedil !! To jin va nariks goratá, ika winafa tuvawelara.

— Va jin radimelanil... Marjorie Oluikya ?





6-e ~ Vaj dem ayikya !

Kurenikya ke peroda

Kolanison va walazebapa, jinafa akoyera tir gijafa : vaj dem yikya ! Yona vegemkirafa ilava, loon erodafa dam mosk ke jinaf drig, isu azegapa isu kotlize koldam ! 80 ayikya kare totavertok. Ta toka tulevetirara ? Meka roda, mek busum, soe. Yona ayikya gevana vols piksesa ! To kurenikya ke gazafa peroda tid !





7-e ~ Louise
Jinafa nikya, batlize ?

Kotbata ayikya va Franca al bulur, dem bueleksam dodeyen gan Gazik, enide va kaelafe francafe boniasikye koe Louisiana kureter. Sina tid katalikevafa is baliiskafa gadiskikya vey morafa yasa. Laizon tana va jin vanlanir :

— Marjorie ! To en til ?

Ox Louise ! Tokinde mana liza rovo tir ?



8-e ~ Louise is jin

Inafa blira, inafi bali

Louise is jin koe bontay ke tota re tigiv. Kerbellec va cin sumuor dizver. Mana daavapa katrasisor va antafa nikya ke ban gabentaj tandatum tiskiyin koe xida ke Clisson ! Louise va intafa blira is keluyuna kurera az gorara ta dim fira mal nede kareizur. Inde re tin tan olkoy ke bat ayikyatum. Drage da do jin di rovopir, ugalatason va stuva is wupe, mea gruidetenon...





9-e ~ Giwara va *Baleine*

Giwasa divbixera va tota

Zivotc dratcer. Baleine tota belxatar ede ton batmana debalc wan zavzagir. Va cinafa pomarc pu Kerbellec dragé, vawedason num divbixeteson ba sielafa kray tara is sukara toz tuplatisawesa. Va toloya impokaxapa impokata son vardozuv. Tiura tir gedelafoneke di tceder : Baleine tota zigiwar, numaze va vawa fu rolinteraze va intaf « vaj » bildeter.





10-e ~ Kaipam

Ika cinafa giwara

*Baleine tota illapir, dem intaf
vaj dem ayikya. Ika giwara va sin,
cinaf kaip, luxeon, tir pinaf : yon
milunt dem xeyna is yon yult dem
vage ke Franca is xeka ta
boniara... Artan, i englaf tcordik,
va ayikya co konariyid aze ko kote
tresexe ke Kariba co di kodoleyed.
Vol jin, metode ! Louise va jinafa
kevfira tere al vewar, va eca blira
koe Louisiana pokoler...*



11-e ~ Bali ke Louise

1731 , arti sanda

Louise koe Louisiana poke Baton-Rouge al koirubar, va gazafe flibik-ye al kurer. Skintura va ine al gralomber : kwafa blira is morafa mona gogedina, is krafoli wetce dalafa tegira, is tevoy nazbeik bad sanda, is guazuca kalion artfisa, i va conyuckackan direkeugal skay-niskaf. Jontikviele, disukeson va trutca va tota bene rebava, Louise va Marjorie modovar. « Tokon ine vanpir, kas tir kalafe, inya ? »

